



BIBLIOTECAS  
ESCOLARES  
DE GALICIA

# Día das escritoras

16 de outubro

O pracer, a ledicia e a risa das  
mulleres



**Nunca Amalia se sentira tan completa como cando acubillaba entre os seus brazos o corpo quente de Cora, comunicándose con ela a golpe de sorrisos torpes, olladas mequeiras e palabras agarimosas.**

(Ibid., pâx. 56)

... A medida que Cora foi medrando, e Amalia esmorecendo, a neta supliu con gusto o posto da nai. Remedios adestrouna ben e ensinoulle a considerar a riqueza como algo ao que aspirar por riba de calquera circunstancia. Nas viaxes cotiás a aqueles confortables pisos tan distintos ao soto onde elas vivían, sen humidade, con calefacción central, onde a beleza reinaba por todas as estancias, Cora gozábaa. Ademais, moi ao contrario que Amalia, as persoas que habitaban esos pisos espertaban nela unha muda admiración, e sobre todo quedaba engaiolada co recendo dos corpos das mulleres que paseaban por corredores tan distinguidos. O aroma que exhalaba o cabelo e as roupas de Elisa Sobral, para ela supuña un pracer tan intenso que o seu gusto sería quedar para sempre nas posesións dos Luaces.

(Ibid., pâx. 57)

... Na autoestrada, conectada á música da radio, sentira unha felicidade estraña ao circular en paralelo á vía férrea, coa xanela aberta, notando na pel o recendo húmido da brisa mariña. Gustáballe pisar o asfalto da nenez. Era algo primario, como volver á cunca do caldo fumegante máis sabedeiro, aos intres en que vivía acubillada baixo a saia da avoa, igual que unha pita protexida á calor das súas ás. Recibía como un regalo para a vista a placidez das lanchas motoras de pequena eslora atracadas no peirao; a trasfega no embarcadoiro, cos viaxeiros entrando e saíndo dos barcos de pasaxe, que comunicaban as beiras da ría; o cheiro a conserva das fábricas da beiramar; a ferruxo dos barcos tapiando a liña do horizonte coa espléndida barriga do seu poderío; e a brétema da anoitecida, cubrindo o porto cunha sensación de néboa pegañenta, tan presta a arrimarse a un que deseguido te apreixaba na súa gaiola. O conxunto significaba un reencontro coa súa identidade perdida, unha reconciliación, unha forma de xustificar o sentido da súa peregrinación. Si, de cando en vez necesitaba achegarse á cova que a vira medrar, como buscando unha bocalada de aire, encher os pulmóns para unha tempada e recuperar azos para regresar ao punto de partida e tirar uns meses máis.

(Ibid., pp. 73-74)

... REMEDIOS EN CAMBIO COMPRACIÁSE AO DESCUBRIR A OLLADA FASCINADA DE CORA MOUÉNDOSE NA CASA DOS LUACES, INCENTIVADA POLA SÚA PROPIA, ALENTÁNDORA A ASPIRAR A UN FUTURO DE MAIOR ALTURA AO QUE PREVISIBLEMENTE LLE DEPARABA O SOTO ESCURO E HÚMIDO ONDE VIUVÍA..

(Ibid., pâx. 77)

Amalia pensou que estaba tan afeita a satisfacer aos demais, quedando ela en segundo plano, que sen decatarse, a palabra compracer formaba parte do seu vocabulario cotián como se a levase impresa no seu código xenético. Non obstante era a primeira vez que alguén reparaba nos seus desexos, e iso pareceulle unha novidade moi agradable, pois sóubose en disposición de tomar as súas propias decisións e defendelas, algo que até ben pouco era impensable no devalar dos seus días.

(Ibid., pâx. 145)

Aquel mediodía no xantar, Remedios leu na ollada de Amalia unha felicidade premonitoria. Sospeitaba que a moza bebia os ventos polo fillo da dona da zapatería, pese a que xamais fixera comentario ningún ao respecto, pero a ela abondáballe observar a enerxía con que saía da casa e con que alegría volvía, para comprender a verdade e decatarse de que aquilo non se debía só ao traballo, senón a Mateo.

(Ibid., pâx. 157)



BIBLIOTECAS  
ESCOLARES  
DE GALICIA

# Noites de safari. Manual sobre amantes desorientados

Marleen Malone  
Xerais, 2018

Gústanme as barbas ásperas e incipientes, as que rascan pero non esfolan, as de tres días, catro ao sumo. Tan útiles para esas friccións que propician que o rostro se escame. Un *peeling* excelente, vaia. A aquela serie arrabaldeira de Telecinco deberon chamarlle *Sin barba no hay paraíso*, pois refregar a epiderme facial contra dun canalla tipo El Duque ten que ser sublime, obtés un 2x1: un “empotrador” nato coma el fódate, ademais de exfoliarte.

(...) Sufrín unha infancia precoz: con dez anos caligrafiei unha misiva de amor destinada ao desbarbado Terence Hill, o cowboy de *Le llamaban Trinidad*. Ben cedo gocei de pensamentos porcos: nas secuencias nas que non fantasiaba con arrincarlle a dentadas a roupa luída e cotrosa ao bandido (para permitir que as miñas pupilas pícaras contemplasen ese único horizonte de corpo fibroso recuberto dun coiro abrasado polo sol almeriense)...

(*Ibid.*, pp. 22-23)

Lembro con exactitude matemática o día do meu primeiro orgasmo... Comezara o outono... Dispúñame a durmir... cando notei unha efervescencia, propia de Aspirina C, nun segmento inferior do meu corpo, alá polo baixo ventre. Non era dolorosa nin incómoda; ao contrario, era unha sensación EXCITANTE... Sentía no meu interior unha botella axitada de sidra El Gaitero. Recreeime naquel burbullar coa almofada apresada entre as pernas. Algún instinto atávico ditoume a danza a seguir: arrandearme cara a diante e cara a atrás co lateral da palma da man chantada na entreperna. A respiración, a presión do sangue e os latexos aumentaron. O corpo sufriu movementos espasmódicos e abafei unha explosión de gozo contra o colchón... Cando o atordamento polo experimentado comezou a devalar, erguinme. O espello do cuarto devolveume unha imaxe flamante: ollada en tecnicolor, meixelas acendidas, sorriso edénico... En definitiva, un xesto giocondino. Tantas hormonas levedando durante anos estouparan nun clímax de onanismo inconsciente. O meu cráter erupcionara; os meus fluídos alcanzaran a preamar; vamos, que a sidra fora escanciada.

(*Ibid.*, pâx. 228)

Adoito citarme vía SERGAS co tocólogo nas épocas de escaseza. Vale que é un profesional que non aplica técnicas dirixidas a dispensar pracer; de feito, as súas tácticas de abordaxe aos meus xenitais provocan, máis ben, que me seque, contraia, agarrote. Pero bástame cun *voyeur*, con ter o rostro dun tipo cerca que observe a miña arquitectura íntima e cheire os néctares que emanan da miña fragua de Vulcano. Mentre me incrusta os aparatos eses aptos para espeleoloxía xenital feminina, síntome viva.

(Ibid., pâx. 68)

Ir de “paquete” na moto dun descoñecido é do máis excitante que se pode facer coa roupa posta. Equilibrio, velocidade e, sobre todo, sensualidade. En canto sentas, a túa entreperna vai dar contra o seu traseiro, os teus brazos abrazan a súa cintura e sentes a súa respiración abdominal sobre a túa parte dianteira, da pube aos peitos, porque repousa sobre as súas costas.

(Ibid., pâx. 114)



# *Fisterra. Relato curto en Galicia.*

Linteo, 2022

## *Vente vindo*

Rosa Aneiros

- Quen nos dera unha pandemia destas cada ano, eh! Nunca tanto por nós miraron! Antes nin reparaban en que estabamos aquí... Nin os nosos nin os outros.

- Ben cho digo, Elba, ben cho digo. Unha destas cada ano dábanos a vida.

(Ibid., pax. 80)

## *Cópulas cúpulas*

carmen Blanco

...Gústasme tanto cando te sinto espido! Gústasme tanto cando te penso espido recostado! Gústasme tanto cando te contemplo espido de pé erguido quedo! Amor en pé. Gústasme tanto cando te admiro como me miras e como te moves mirándome como te admiro alegre e feliz sabéndote! Doce amor. Sexo forte. Estabas lendo. Gústasme tanto cando te vexo lendo! Gústasme tanto cando te penso escribindo! Escribebas vida, amor. Vivo pola túa carne e os teus osos. Gústame o teu estilo!... Espero arder na alegría da auga azul vestida de ti e contigo espida onde habita a felicidade e comeza a vida que nunca acaba nas caricias dos bicos dos labios de solpores e auroras. Amor amor. Alegría total... Cúpulas cúpulas. Poesía.

(Ibid., pax. 80)

## *O nome da tempestade*

Andrea Maceiras

... o lugar favorito de Selina era o xardín. O aire libre era unha beizón en contraste coa atmosfera pesada da casa, cargada de recordos, cadros, mobles de devanceiros e respiracións de xeracións pasadas. Gustáballe escribir no xardín cando o tempo se amosaba benévolo, áinda que fose envolta en varias mantas. Desde aquela mesa de ferro forxado, na comodidade da cadeira, Selina podía percibir o recendo do mar e daba grazas por aquel alivio de frescura, polo perfume salgado que parecía provir directamente do horizonte.

(Ibid., pax. 80)

... A Selina gustáballe estar preto daquela fiestra descomunal. A través dos cristais, a vista acadaba primeiro o verdor do xardín, coas árbores centenarias abanadas polo vento para perderse logo alén do cercado, todo mar e clareza, auga e ceo cambiante.

(Ibid., pp. 267-268)

Selina non adoitaba ver a televisión. (...) a radio era suficiente. Sentíase máis acompañada polas voces que polas imaxes... Polas noites, poñía a radio co volume baixo ata quedar durmida e, cando espertaba nas horas más escuras, o seu son reconfortábaa.

(Ibid., pâx. 270)

## O meu tío, as mulleres, os coches e máis eu

Marina  
Mayoral

... Á miña nai o coche cambioule a vida... Fíxose moi popular, moitas mulleres animáronse a conducir porque ela o fixo primeiro, era un exemplo, fíxose famosa e iso gustáballe,...

(Ibid., pâx. 311)

**... así que mamá casou co irmán serio... pero con Florentino era co que sempre ría moito; en resumo, que con quen se divertía era co meu tío,...**

(Ibid., pâx. 312)

## A chamada

Eli Ríos

... “Disque mañá traen a teu pai para aquí e vannos poñer as camas ao carón”, e o sorriso luminoso contaxiou a Manuela de esperanza. *Polo menos, de estar no hospital, pois estar con quen acubilla os afectos, pensou.*

(Ibid., pâx. 385)

## A catedrática

Rexina Vega

**... Ela, como unha Xoana de Arco coa espada flamíxera do seu boli vermello, calcando con forza o algarismo que certifica a ineptitude. Recoñece que poucas cousas hai no mundo que lle dean más pracer que ese xesto de poder.**

(Ibid., pâx. 427)

... ela si que sabe diso, sabe que hai que pelexar, que para cada norma, para cada pequena cláusula existe unha excepción que senta xurisprudencia. So é cuestión de atopar o flanco débil, o lugar por onde rompe, ela sabe, abofé que sabe diso, é unha experta en furar e desfacer, toda a vida nos xulgados, contra todos, contra calquera. É por iso mesmo, por esa facultade litigante pola que lle teñen respecto, pola que lle teñen medo. Gústalle tanto observar ese medo na cara dos mediocres aos que apunta co seu dedo flamíxero, ela sobre todos, poñendo orde, limpando o mundo...

... Como vai acabar ela, a gloria de súa xeración, escoltada por dous macacos analfabetos que nin tan sequera foron quen de rematar a ESO? Ante esa imaxe, inconcible, dá en botar unha gargallada, un chorro sonoro de máquina avariada, como a dunha estragada autómata nunha vella feira de atraccións.

(Ibid., pp . 428-429)



... A catedrática nunca soubo o que é un conector. De feito, a catedrática despreza os conectores. Como a despreza a ela. Rosario é dócil e ten medo. Iso gústalle á catedrática...

... O home que entra chámase Manuel, Manuel Cabezón. É especialista en análise do discurso... Manuel aínda non é profesor titular. Leva moios anos traballando, pero aínda non conseguiu a "súa" praza. Por iso se ofrece á catedrática, que o despreza, para ser violento por ela. Así que cada vez que a catedrática enceta unha pelexa, Manuel acompañaa, pon cara de ferreiro e berra moi alto cuestións relativas á análise do discurso, esa cousa que aínda non acaba de entender. Iso gústalle á catedrática.

(Ibid., pp . 430-431)

Quero dicirlle que ler si que sei, que teño un veciño co que paso as tardes enteiras a aprender ás agachadas. Tamén quero dicirlle a mamá que hoxe chegou tarde porque Carlitos apareceu co catecismo, o único libro que podía quitar da casa sen que desconfiasen, que lín de corrido a miña primeira lección e que iso me puxo contenta...

(Ibid., pâx. 113)



-Entón saber ler, Adelaida?

-Sei, señora Amalia.

-Mañá voute levar á cidade a mercar un libro, ademais dun vestido novo.

-Para que quero un vestido?

-Henrique está a arranxar unha visita a túa nai, no quererás ir de calquera forma!

A felicidade péchame a boca. Un libro e ver a mamá! Demasiadas alegrías xuntas.

(Ibid., pâx. 167)

Só unhas horas e Adelaida estará a estudar no castelo de Mota. Que alegría tan grande cando me dixo que aceptaba! Ao día seguinte marchamos as dúas a mercar a Redondela...

Está a ser un ano de fartura. As penurias da posguerra van amainando e a xente recobra pouco a pouco a gana de vivir. A felicidade para uns é encher o faiado de mazás e de patacas, ou ateigar os canastros de millo e con pernís colgados, ou ter moito bagazo para facer boa augardente. Para mim é ver a Adelaida rir diante do espello mentres proba un gabán de mestura branco e negro. Está tan fermosa que da gana de chorar.

(Ibid., pâx. 228)

# Via secundaria

An Alfaya  
Xeráis, 2011

... a el gustáballe chegar á casa coas mans engraxadas, e cando as outras mulleres se queixaban do cheiro dos aceites na roupa, e das uñas ennegrecidas, Rosa dicíalle que a excitaba, pois así o coñecera e así se namorara del, fedendo a carburante, e o que a outras lles atraía, perfumes de marca, a ela agoniábana.

(Ibid., pâx. 29)

-¿A onde a levo?

-Á estación do tren.

-Parece vostede contenta.

-Estouno. Vou facer unha longa viaxe. Gústame viaxar, pero nunca tiuen oportunidade.

(Ibid., pâx. 87)



DÍA DAS ESCRITORAS

# Circe ou o pracer do azul

Begoña Caamaño  
Galaxia, 2009

Mais non podería facerme digna da felicidade que agora posúo de non vos facer partícipe da verdade. Non nego que tentei ignorarvos e gozar do que agora teño arredándovos do meu pensamento. A ledicia pode ser cousa do azar ou ben estar trazada no destino de cada persoa. Porén, cada unha é tamén escrava da súa propia historia e débese lealdade a si mesma.

(Ibid., pâx. 20)

Tamén a raíña se deixaba levar polas lembranzas que a devolvían aos tempos de xogos e margaridas. As paisaxes do Pelopaneso, as trasnadas e travessuras coas que ela e máis a súa irmá Iffima espertaban sempre un sorriso na faciana amábel do seu pai, os soños adolescentes, as confidencias e as caricias compartidas coas súas primas Helena e Clitemnestra... Eran lembranzas gozosas e soleiras, tempos en que aquelas pícaras risoñas soñaban co futuro e co amor, por completo alleas ao que o destino dispuxese logo para cada unha das catro. Foi unha infancia luminosa e feliz que se precipitou á súa fin o día en que Ulises chegou ao palacio da seu tía Tíndareo na procura de esposa.

(Ibid., pâx. 79)

Non sabedes, señora, como gocei lendo a forma en que tratabades os homes de xeito acorde á besta que levan dentro.

(Ibid., pâx. 82)

Tiña eu unha sobriña. Medea.... Era unha rapariga vital e risoña... Era unha moza feliz, que contaxiaba a súa ledicia a todos os que a amabamos e puña un rumor cantaruxeiro no corazón de cantes a coñecían. Avantaxaba todas as demais mozas do seu tempo en intelixencia e alegría...

(Ibid., pâx. 111)

Ao miralo, sentía correr o lume nas miñas veas, mentres que o chumbo se me facía dono das articulacións, impedíndome fuxir da súa presenza. E cando se achegaba a min, cando me sorría ou me falaba, desataba tempestades na miña alma e un rubor infindo estalábame na pel. Se aquilo que queimaba o meu peito era amor, quería eu sucumbir naquel lume e arder por cada poro.

(Ibid., pp. 118-119)

Lía agora a misiva devagariño, deleitándose en cada frase, deixándose envolver en cada situación narrada, en cada sentimento que a maga lle expresaba. Detiñase con ledicia na parte dedicada ao relato da infancia e da adolescencia. Soñaba con formar parte daquel feminino clan de mulleres libres e fortes. Víase a si mesma coma unha das bravas amazonas, dona de seu, sen medos nin alertas que estrullasen o seu corazón...

(Ibid., pp. 121-122)

... Decidiu finalmente, para non espertar as sospeitas do amante, continuar coa rexouba de cuspe, suor e pracer en que se entretiñan. Mais ao gorentoso xogo, que até o de agora decorrera con tépeda cadencia, imprimíulle un novo ritmo de ansia e frenesí, que deseguida levou os dous amantes á vertixe licuescente dun abandono que semellaría a morte de non traer consigo a éxtase da plenitude. Riu a maga con riso de auga, como adoitaba facer cada vez que o corpo se lle esnaquizaba en mil faíscas escintilantes.

(Ibid., pâx. 129)

Miña adorada señora, foi a vosa última carta a maior alegria que sentín desde o parto do meu unixénito e vinculeiro de Ítaca...

(Ibid., pâx. 130)

-Non sabedes, nobre Eurímaco, cando agradezo as vosas comprensivas e sabias palabras. De feito son os momentos en que podo aloumiñar o meu pequeno, os únicos que realmente me procuran consolo pola ausencia do seu pai...

(Ibid., pâx. 146)

... Aínda lembro o cálido arrepío que me producía sentir a lingua da miña curmá percorrendo devagar o treito de pel entre a miña orella e a base do pescozo. Como esquecer a naturalidade coa que a miña man se axustaba á forma do pequeno peito de Helena, e o pracer que sentía ao notar na miña palma a súa respiración axitada e a súa mamilha endurecida? Como non recordar o lixeiro tremor nos beizos ao nos bicar? Ou a complicidáde coa que trazabamos mil rutas nas nosas peles, tentando descubrir aqueles lugares onde as caricias más nos estremecían? Como non evocar o formigo dunha lingua allea rozando no meu padal, a excitación provocada por un dedo curioso, roldando na carnosa entrada da vaxina, sen se atrever a penetrar? Aí nos detiñamos. Cada unha de nós levaba a suor e a excitación a súa cama. Ate a miña nai, tan frívola e dada aos xogos, nos advertía que había un límite que non debiamos de pasar. Non, cando menos, até ter cumplido o noso deber de fillas reais. Tampouco nós non queríamos ir máis aló. Aínda que o pracer nos enfebrecese, gardabamos os nosos desexos para o home soñado. Era para el, para saber compracer o marido do futuro, que queríamos ser tan instruídas como as más afamadas cortesás. Moi lonxe estaba eu de supor que serían aquelas caricias de nenas ávidas, na súa inocencia, as únicas coas que gozaría.

(Ibid., pâx. 174)

.. E, áinda que che resulte duro de acreditar nisto, era outras veces ela [Anticlea] a que subía intrépida até a gruta onde eu moraba. Coas roupas dunha pastora, sen alfaias nin adobíos chegaba até min vestida de lúa e levando nos seus cabelos, como único adorno, o aroma do relento. Nunca houbo entre nós tantos risos, tanto desexo, tanta complicidade. Daquela as únicas trabadas que nos dabamos eran froito do frenesí e causaban só unha pequena ferida na pel, deixando intacta a alma.

(Ibid., pâx. 202)

... Acreditade en que non habería no mundo lugar onde puidese ser eu máis feliz que á beira da vosa presenza e das vosas ensinanzas. {Penélope a Circe}

(Ibid., pâx. 217)



Bonus Track

Rosalía Fernández Rial  
Galaxia, 2018

Non hai nada máis excitante que premer a válvula do spray. Maquillar o rostro das paredes antes de lle facer o amor á cidade. Iso era para Amalia o arte do graffiti. Paixón, desexo e perigo, moito perigo, cada vez máis. A través dese risco seducía e aterraba, a partes iguais, a poboación.

(Ibid., pâx. 37)

- Si, son trans -espetou con rotundidade.
- Non me decatara ata agora. É que nunca...
- Leácheste algunha vez cun tío?
- Non, por iso non souben como, pero...

Desta volta durou menos o silencio incómodo e, agora si, tivo unha deriva por completo natural:

... Habémoslle atopar o xeito, muller.

Rimos. Os dous, ao mesmo tempo. E, certamente, acabamos por encontrar algunha satisfacción. Non foi para botar foguetes, pero sei que poderá ir mellor na próxima ocasión. Sígome a sentir tan atraído coma a primeira vez que te vin.

(Ibid., pâx. 74)

Eu son feliz. Sobre todo en concertos como este, pensaba Mariña. É un dos últimos que Berrogüetto dará como formación completa. Algo histórico. Non o perdería por nada do mundo. Estes tipos representan a Galiza que a min me gustaría. A tradición está *guai*, pero xa non vivo na época dos meus avós nin pais. Somos folk pero tamén jazz e electricidade, sabes? A min o que me mola realmente é o que vén despois da vanguarda, entendes?

(Ibid., pâx. 104)

De nena, o meu xogo preferido era saltar á corda..

Sempre se me deu ben brincar...

O único que me facía destacar sobre todas as demais cativas era esa capacidade de erguerme sobre o chan... Neses impulsos se baseaba a miña irregular felicidade infantil.

Con especial agarimo recordo unha vez que miña nai me levara a unha tenda moi antiga...

Cando se achegou a señora maior que atendía detrás do mostrador, mamá dixera:

- Cinco metros de corda de esparto, por favor...
- Para que é?
- Para que a miña filla xogue coas súas amigas...

Eses metros de corda foron o mellor agasallo que me fixeron na miña vida. Con eles conseguín dominar os recreos e os parques, as comuñóns e os aniversarios.

(Ibid., pp. 122-123)

Eu non quero semellar un sabio que non son. Córrome aprendendo cousas novas, lendo certos autores ou cunha dose potente de calidade musical. Pero pedantería cero. Non teño unha gran memoria e non soporto a quen vai de iluminado. A min o que me gusta é que o coñecemento transforme o meu xeito de vida, que me permita cuestionarme, non que me aliene con esta banda de novos *indie* nada independentes.

(Ibid., pâx. 140)



## Lúa Nova

Irene Montero  
Xerais, 2022

Lúa e Andrés considerábanse unha parella feliz. Había máis de dez anos que se coñecían e vivían xuntos dende había case nove. Entendéronse dende o primeiro momento, con respecto, admiración mutua e compartindo unha paixón que non os abandonara en todos esos anos. Aínda era hoxe o día, tras máis dunha década, en que o simple rozamento da pel do outro os facía tremer e desexar máis, e as bocas buscábanse coa precipitada necesidade do sedento que reclama con anguaria un pouco de auga para seguir vivindo. Agora, dez anos despois, coñecían de cor cada centímetro do corpo do outro, uns corpos que lían unha e outra vez coas xemas dos dedos e que contaban historias de amor e desexo, doces ás veces, urxentes outras, apaixonadas sempre...

Riron os dous e seguiron falando de cousas sen importancia... Lúa pensou que a voz de Andrés era todo o que necesitaba para sentirse ben, nada tiña o poder tranquilizador da súa voz, do seu riso. E Andrés desexou poder pechar os ollos e abrilios en quince horas, para abrazala e cubrirlle o corpo de bicos.

(Ibid., pp. 26-27)

... Ela era cega de condición, pero iso non lle impedira facer sempre unha vida normal. Era feliz, dedicábase ao que lle gustaba e non sufrira na vida máis que calquera outra persoa.

(Ibid., pág. 31)

-Ves aquela pequena loura...?

-Si, claro.

-É cega.

-Perdón...?

A pequena Lúa ría as gargalladas mentres subía e baixaba polo tobogán entre os demais nenos, dando saltiños de alegría, sen decatarse de que había catro ollos postos nela naquel momento.

(Ibid., pág. 34)

-Mamá, eu nacín así e son feliz... Por que querería cambiar?

(Ibid., pág. 78)

... que cres que pasaría se non me opero? Quero dicir, mamá sentiríase moi desencantada? Eu sei que é a súa ilusión de sempre, que eu poida ver. E non che podo dicir que eu non queira, si que quero, pero dáme medo ao mesmo tempo... Dáme medo romper a estabilidade que teño. Agora mesmo fago o que me gusta, vivo co home más marabiloso do mundo, que me quere más do que podo desexar e a quen eu quero con toda a alma, disfruto da miña familia, dos meus amigos, da vida, en xeral... Non boto nada en falta e teño todo baixo control, Noa. Como é ver? Non son quen de imaxinalo, pero sei que para min vai ser algo totalmente descoñecido...

(Ibid., pág. 79)



BIBLIOTECAS  
ESCOLARES  
DE GALICIA

# Diario da luz e a sombra

M<sup>a</sup> Victoria Moreno  
Xerais, 202017 (2<sup>a</sup>)

Eu, seica porque o meu corazón florece nas aulas, sorpréndome hoxe ó descubrir que son quen de falar con ledicia da miña enfermidade e de todo o que se relaciona con ela a condición de non chamar ás cousas polo seu nome nin tampouco -Deus me libre- polos eufemismos que emprega a xente.

(Ibid., pâx. 23)

Onte liguei, e paseino ben, e pasouno ben o mozo, e pasárono ben catro mulleriñas que se chutaban nos butacóns máis próximos ós nosos. Préstame hoxe falar disto porque a sala de tratamentos se encheu dunha luz adolescente áinda que fóra, contra os vidros das fiestras, chovía a Deus dar...

(Ibid., pâx. 40)

Hoxe -digo eu moitas veces- síntome razonablemente ben, teño quen me queira e a quen querer, podo falar e ser escoitada, podo pasear ou ir ó cine, podo ler e escribir, podo comer polo fritido e beber unha copa de viño fresco e afroitado... ¿Que máis se pode pedir?

(Ibid., pâx. 50)

A ledicia é síntoma de saúde espiritual e de bondade. Xa dicía Juan Ruiz, poeta castelán do século XIV, que *a moita tristura leva consigo moito pecado...* A ledicia atrae, a tristura espanta. A ledicia abre camiños á relación cos outros e a tristura péchaos. A ledicia cheira ben, como as flores, e a tristura cheira mal, como as feces. Defendamos, pois, esa ave de liberdade que é a risa *pluma por pluma*, coma dixo o poeta Miguel Hernández.

(Ibid., pâx. 59)

Estou contenta coa vida e estou contenta comigo mesma. O que agradezo á vida é que hoxe tomei o último chute e non hei volver máis -polo de agora- a ese lugar arrepiante que é a sala de tratamentos. Quedan atrás as esperas, as análises cando áinda é noite, as vías cravadas na man e, o peor de todo, esa indescritible repugnancia producida polo cheiro do elixir misterioso que me chutan e por ese saber que me vai sentar mal e que me vai poñer o corpo do revés, áinda que a medio prazo teña efectos beneficiosos para a miña saúde.

(Ibid., pâx. 118 )

... Tonina, a irmá pequena... irrompendo no seu cuarto, as meixelas acesas: Boas novas! Vou casar... Con Manuel...

-Non me dás os parabéns?

Tonina sorría o seu sorriso libre de coidados.

... O encontro con Fernando foi un milagre. Talvez non houbese outro home así en todo o país, non eran así os homes. Un home que atendía ao que ela dicía. Primeiro as conversas, un contacto entre as mentes que era como se el achegase a man e tocase o seu pensamento. Antes de a tocar fisicamente. Despois o intre de se tocar. A nena agromando das noites de amor.

(Ibid., pp. 30-31)

... Porén o pracer, inesperado, ao achegar pel a pel, as mans de Fernando acordando os seus peitos, a éxtase que ven das caricias, proban non ser certo o que con arrogancia escribira aos vinte anos nunha carta a Manuel: "Serei o único ser humano que foxe do pracer e ama a dor?" Foi ao encontro do pracer, tan breve. Mesmo se despois cómpre pagar o prezo.

(Ibid., pâx. 33)

O recordo dese día vai unido ao sabor do chocolate. Se hai ceo, os anxos e os nenos que morren e se converten en anxos, como o seu irmanciño Xaquín, comerán chocolate todos os días. Non pensa moitas veces no ceo, mais cando ocorre represéntao como a cociña da señora Paquita, un espazo grande e luminoso, con cazolas resplandecentes, panos brancos, limpeza e moita comida.

(Ibid., pâx. 46)

Gustábanlle os chícharos por ser cousa da primavera. Viñan coas rosas ventureiras no camiño do lavadoiro. Tamén por ser rares na casa, nin sempre había cartos para os mercar. Chícharos e patacas novas, moi lo le sabían as poucas veces que os comeu.

(Ibid., pp. 88-89)

... Ah, se puidese recuperar aquelas mañas na praia, estomballada na area sen coidarse do que traería o porvir, atendendo unicamente ao bater das ondas. Regresar cansa, durmir profundamente ás noites.

(Ibid., pp. 129-130)

...Mais eu, sen ter que ir onda a señora Ignacia, era feliz saíndo pola mañá cedo, a hora que más me gustaba, cara ao río para lavar a nosa roupa. De socate, a poucos pasos da casa, encontro a Xacobe, o veciño que fora á escola e sabía ler. Tiña dous anos máis ca min.

-Sisca, feliz día!

Tendíame un pequeno paquete envolto en papel de seda e mais un ramallín de flores ventureiras das que medran nos penedos xunto ao mar. Ao pensar no seu nome, herba de namorar, púxenme encarnada...

... Ábreo -dixo poñendo o paquete na miña man-. Espero que che guste.

... Abrino, era o paniño máis lindo que nunca soñara...

-É precioso, precioso, de verdade- e anoeino ao colo...

Tendeume as flores e ao collelas as nosas mans tocáronse, aínda que as separamos de contado. Foi como achegar a man ao lume, unha sensación nova...

O corazón batíame moi forte.

(Ibid., pp. 139-140)

... Disque nesa escola das noites ás veces prestan libros. Non che gustaría ter un libro, lemos xuntos?

-Gustariáme, si... moito -e seguindo un impulso propuxen-. Ven, vamosollar os pés no mar.

... Poucos días tan felices como os dese verán.

(Ibid., pâx. 142)

... Xacobe ocupaba todo o meu pensamento. Non me cansaba de contemplar os acenos das súas mans, a súa fronte, tan branca baixo os rizos negros. Un serán, ao despedírmónos, el bicou levemente a miña. Desexaba más con todo o meu corpo, a miña pel chamaba polas súas mans e ao tempo temía as consecuencias dos aloumiños doutro carácter.

(Ibid., pâx. 166)

- Non fagas caso aos que deciden que é pecado, que non. O pracer non pode ser pecado, sexa cun home ou con outra muller. Fixéronnos para o pracer. Seino.

Desabotóalle a camisa, aproxima a súa boca ao peito de Sisca, lambe o bico; logo cólleo coa man, faino xirar cos seus dedos. Un latexo entre as pernas, o pracer. Por baixo da saia, a súa man chega alá, esperta partes do corpo das que non coñecía a existencia. Era iso entón, pensa, estas ondadas, esta auga que flúe mollándoa toda. As súas mans responden sobre o corpo de Fefa, estremécese. Están arfando, parece imposible que non as oia ninguén.

(Ibid., pp. 184-185)

... Chegaba todo enfoulado, adoitaba dicir: María, eu veño branco de fariña, se casases cun ferreiro sería moi malo de lavare. Lembro eses días felices, o tempo da fariña, lambela do seu corpo tan fermoso. Tamén hai beleza no corpo dun home. O de Miro era perfecto.

(Ibid., pâx. 199)

-Concha, non sempre é necesario casar para ter un amor... Ti non cres que as mulleres tamén desexan? Amor, cariño e o físico, aloumiños e... o pracer. Ti que defendes as mulleres seren iguais no intelectual aos homes, pensas que o pracer está reservado a eles?

(Ibid., pâx. 213)

-Estudar... nunca o pensei. Gustaríame, si, mais non creo que sexa posible. Terei que traballar para gañar a vida.

(Ibid., pâx. 224)



BIBLIOTECAS  
ESCOLARES  
DE GALICIA

# *Deixe a súa mensaxe despois do sinal*

Atantza PortabaleS Santomé  
Galaxia, 2017

E hei morrer sen ir ás Canarias...

E gustaríame ir verte...

Hai tantas cousas que me gustaría facer.

Escoitar contigo estas gravacións. Facerche unha empanada de millo e berberechos. Ir contigo á praia de Lapamán. Berrar contigo para que te vistas como é debido... Xa sabes o que me gusta bailar. Gustaríame chegar á vendima. Que baixase o prezo da luz. E o das patacas... Gustaríame verte unha vez máis...

E gustaríame conformarme. De certo que si. Gustaríame que o médico non me dese esperanzas.

(Ibid., pâx. 68)

Pasou que teño cancro... Empezaches a falar de vir pasar uns días... Quedarás aquí, para investigar con Carracedo, por que nestas semanas, sen máis tratamento que unha Aspirina efervescente e un groliño de augardente despois da comida, o tumor principal minguou un corenta por cento.

E mira que me puxen contenta.

(Ibid., pâx. 76)

... E fun ao club de lectura dunha librería, obrigada pola miña nai, porque ler gústame, pero o que a min me peta, non o que me manda un grupo de tolos.

(Ibid., pâx. 77)

Porque, que é a felicidade? Neste intre para mim, cada instante de felicidade está unido a ti: a lúa de mel en Grecia; os paseos nocturnos na praia de Agia Anna; a torta de chocolate que me fixeches no noso primeiro aniversario de voda; a ducia de tulipáns que me enviaches despois da nosa primeira discusión; a primeira noite neste dúplex.

(Ibid., pâx. 83)

Que felicidade. Pasear soa. Entrar nas tendas. Probar roupa. Mercala, sabendo que moita acabará nunha bolsa para regalarlla á filla da asistenta.

(Ibid., pâx. 99)

Houbo un tempo en que me namorei. Coma ti desa rapaza. Lembro o que sentía. O corazón a latexar nas xemas dos dedos, a boca seca. Ese non durmir, non comer. Ese vivir agardando. Ese agardar sen vivir.

Penso que son afortunada por ter esas lembranzas. Por coñecer o amor. Aínda que fose tan só unha vez na vida.

(Ibid., pâx.117)

... son feliz. Teño que repetirmo a cada minuto, papá. Teño que buscarlle un sentido a isto que fago. Teño que botar unha ollada ao meu redor buscando luces.

Son feliz.

(Ibid., pâx. 122)

Empapeime enteira, enchinme de auga. Metín os pés nos charcos e tremín de frío. Pero non dei volta. Camiñei entre ducías de paraugas de todas as cores. Abandonei as rúas. Entrei no Retiro e corrín. Corrín como cando era nena. Coma se estivese a botar unha carreira con Inés. Como corremos Manuel e máis eu, á saída do cine, o día da nosa primeira cita. O día en que me bicou por primeira vez.

E chorei de ledicia, papá, porque a auga caloume fondo, e lembroume que estou viva.

Porque me sentín limpia.

Purificada.

(Ibid., pâx. 130)

É delicioso bicarse. Xa case non lembra o que se sente con esa simple acción. Bicos. Sen más. Sen esperar sexo, sen cobizar máis que unir os beizos. Sen ansiar máis que unha boca allea na propia.

Quérote, dixeches, e eu saín correndo. Porque aínda que era noitiña e non se uía ben, apeteceume de súpeto.

(Ibid., pâx. 138)

Non estaba nin estou namorada de Quique. Pero gusto me deitarme con el. Sentirme desexada...

O sexo con Quique foi o único satisfactorio deste asunto... Todo o que veu despois non pagou a pena.

(Ibid., pâx. 142)

Foi unha tarde moi bonita. Merendamos na súa cociña. E sabes que? Coido que lle dei pena, pero, ao tempo, fíxome sentir ben. Entendeume...

(Ibid., pâx. 146)

Ela di que é puta de vocación. A única de todo o Xanadú que o fai porque si. Porque lle gusta. Que mesmo se lle tocase unha lotería seguiría indo noite tras noite ao traballo. Que alí todo o mundo sabe o que é. Sen terse que esconder e sen dar explicacións Cumprindo sempre as expectativas.

(Ibid., pâx. 151)

... penso que agora son más felizes. Eu decido o que fago. Se entro, se saio. O que como. Se traballo no comedor ou non. Se tomo un café na da veciña. Fago o que me peta. E que non me ueñan con nostalgias.

Eu quérrome así. Con setenta e cinco anos. Soa. Na miña casa. A disponer da miña pensión de viúva. Fago o que me peta. Con quien me peta.

Morrer, morro.

Pero esta sensación de liberdade, esta, xa non me quita ninguén.

(Ibid., pâx. 157)

... Estas catro paredes si que recollen momentos felices. Momentos meus e teus, ata que decidiches mercar o teu apartamento e marchar. Xa sei que ninguén me entendeu a decisión de deixar o noso piso de toda a vida. Coido que agora ti xa o entendes. Sempre che estarei agradecida por ensinarme os papeis para vendelo. E que ben se está neste piso tan novo. Tan quente. Tan ben situado. E moito más pequeno.

(Ibid., pâx. 166)

Cando era pequena encantábanme os venres. Esa sensación, cando soaba o timbre da escola ás cinco e media, e botabámonos a correr polo corredor do grupo escolar.

(Ibid., pâx. 191)

Tamén falamos dos seus clientes. Eu son Miss Nonaturoopas pón dogatomilán  
Ríma e todo. É diuertido. Esquecerse o diuertido de tir por tir. E gústame descubrir o sexo de novo. Un sexo non contaminado polas rutinas. Un sexo sen amor, con cariño, con respecto, sen reproches. Un sexo de aprendizaxe. Non apresurado, como foi o sexo con Quique. En fin, xa cho definín antes. Terapéutico.

(Ibid., pâx. 208)

Cando era pequena encantábame *Barrio Sésamo*...

Gustábame moito aquel moneco pelado que se chamaba Coco...

Pero o meu favorito era o Conde Drácula.

(Ibid., pâx. 229)

Foi fermoso estar de novo con Vicente. Como me mirou. Como estendeu a man para tocarme a meixela... As horas pasaron lentas. Gocei do tacto da súa man sobre a miña. Eran unhas mans distintas. Pasara unha vida enteira por esas mans. Pasara unha vida enteira por nós. E, con todo, por un instante fun esa rapaza de vinte anos...

(Ibid., pâx. 245)

... dáme reparo contarche más cousas de Diego... Gústame o seu corpo brando, tan confortable, que non gordo, tan lonxe da túa musculatura de aceiro que parece de mentira. Gústame que non cuestione as miñas decisións. Gústame que sexa alto. Gústanme as súas mans de xogador de balonmán. Gústanme os seus ollos marróns. Comúns, amables, como todo el.

Gustoúme a súa despedida. Sempre quixen ter fillos, Marina, pero estaría encantado de non telos contigo.

(Ibid., pâx. 260)



Estou a traballar en IKEA...

Gústame, papá. Gústame descifrar os nomes dos produtos... A comida da cafetería, o rebumbio nas fins de semana. Gústame todo. O que más: ese bip, bip, bip, que fai o aparatiño que le os códigos de barras. Teño compañeiros que din que lles crispa os nervios. A min non. Gústame a cadencia dese bip.

(Ibid., pp. 281-282)

Gústame ir a Sober. Gústame dormir des horas dun tirón. Gústanme os bosques, os muros atelgados de musgo. Gústame pasear entre as uides. Gústame.

(Ibid., páx. 300)

Ai, Carmela. Que morea de sentimientos contradictorios. Felicidade, por suposto, ao ver esa cousiña engurrada, pequena, vir ao mundo... pode más a alegría. A ilusión de ver a Rodrigo e a Ramón coa súa filla no colo.

Acabo de inaugurar un novo estado mental. A felideza. A felicidade absoluta tinguida dunhas pingas de nostalxia e un pouquiño, só un pouquiño, de tristeza. Polos que non estades. Por non estar programada para ser nai dessa criatura fermosa.

Pero feliz, porque todo pasa por algo, Carmela.

(Ibid., páx. 305)

# A venus de Cristal

Chelo Suárez  
Xerais, 2008

Os peitos enormes, o ventre abultado de Giorgonna conmovéronse, pequeno terremoto, ao igual que a sobre papada.

Cun sorriso horrible, mirándoo malévola, a prea más experimentada, gorda e decadente de toda Venecia díxolle:

-Agora que os escrupulosos coma ti me rexeitan, nobre Puliani, e a boca de abaixo se me perdeu entre tanta gordura, satisfago a miña voracidade pola boca de arriba, non negándome o antollo de comer canto me pete, nin o pracer de engulir vergas, sexa cal sexa o seu tamaño e textura. Achégate, home sen rostro, e catarei a túa!

(Ibid., pâx. 46)



# Non penses nun elefante rosa

Antía Yáñez  
Xerais, 2022

-Mira, rapaz, alégrame saber que non me consideras unha racista, pero teño que marchar -dígolle.

(Ibid., pâx. 23)

Métome na bañeira. Xa debe estar a auga ben quente. Non puxen o tapón, así que varios litros marcharon polo desaguadoiro abaxo... Non podo facer un uso responsable de algo que é pura superfluencia mental. Pecho o biombo da bañeira e abáixome ata que sento e mollo a pel. Deixo a billa aberta mentres me enxaboo. Gústome o vapor da auga quente.

(Ibid., pp. 28-29)

Doulle as grazas cun sorriso cando remata de servirme. Chíscame un ollo. Non sei como reaccionar. Gústache, Aurora? Queres fodela? Nunca me deitei cunha muller... E se son lesbiana e non o sabía?... Gustariáme?...

Un rapaz de ombros anchos e pelo que de tan louro é case branco colócase a carón de min para pedir bebida. Obsérvame cun sorriso nos beizos. Analízoo... brazos fortes, musculados. Gústanme eses brazos. Aí non hai dúbida ningunha, non coma coa camareira. De feito, non necesito poñerme a imaxinalo, teño o cerebro apagado. Devólvolle o sorriso.

(Ibid., pp. 40-41)

**... E se lle gusto, que? Que pasa? Ambos somos persoas adultas, que carallo! Paseino ben e xa, por iso rematei aquí, no seu portal, pero iso non significa que teña que agradecerlle nada. Que si, que foi guai, pero non, por suposto que non. Non emitín ningún sinal de apareamento, que eu saiba.**

(Ibid., pâx. 121)

... pero por primeira vez en moito tempo sinto que o único que estou a facer é deixarme levar, sen pensar noutra cousa que en disfrutar da compañía. Non quero determe en se hai ou non intencións sexuais. Estouno a pasar ben? Si, pois xa está.

(Ibid., pâx. 141)

**... A primera vez é a primeira vez por algo, porque case nunca se fan as cousas ben á primeira. Manda carallo, se o primeiro orgasmo que tiven na vida non tiña nin puta idea do que era! Porque si, con Fran tiven orgasmos. Con quen non os teño é cos tíos cos que ultimamente me relaciono, non sei por que, se están más bos que Fran...**

(Ibid., pâx. 155)

Quero..., quero seguir falando con el. Quero seguir meténdome con el, e que el se meta contigo, e facelo sorrir, e rir os dous. E, sobre todo, quero seguir sentíndome así. Con esta dor no cu non, claro. Así, ben, contenta. E logo rabiar, pero que me pase, e volver estar contenta.

... Sinto un formigo no estómago... Sorrio. Porque me apetece sorrir, e porque me apetece dicilo.

(Ibid., pâx. 161)

... Achégome e creo que os nosos corpos chocan demasiado forte, pero tanto nos ten. Somos todo lingua, e brazos, e roupa que voa, e caemos sobre a cama e rompemos a rir, medio en bolas, porque para iso estamos, para pasalo ben. Creo que nunca rin tanto fodendo. Porque iso é o que imos facer, foder, e apetéceme moito. Cando por fin estamos espidos e todo, póñome enriba del e bíolle o pescozo, e baixo polo peito, e polo estómago -ten unha peluxe suave no embigo que me fai cóxegas no nariz e rompo a rir de novo- e detéñome no baixo ventre. Dubido un segundo. Non noto a súa man na miña cabeza en ningún momento, só escuito a súa respiración acelerada. Apetéceme facelo? Apetece. E disfrútoo.

(Ibid., pâx. 163)

... Penso en nós ao comezo, en como tiñamos gana de deitarnos todos os días, a todas as horas. Como o disfrutaba. El e eu, os dous... En como darlle pracer a el facía que eu tamén o sentise. En como velo a el afanarse por compracerme me volvía tola.

(Ibid., pâx. 265)

Estou emocionada, non puedo negalo, e doulle as grazas mil e unha veces a miña nai...

Lembro a primeira vez que me levou a facer a cera, como me sentín ao saír de alí cos poros sangrando e os pelos no seu sitio: no lixo. Foi o día más feliz da miña vida. Vale, o más feliz non, pero un dos más si. Saber que aquilo tiña solución, que a miña deformidade podía arranxarse.

(Ibid., pâx. 309)

... sinto, de verdade, terte xulgado con tanta severidade, non era a miña intención, non sabía...

Séntese culpable? Aquí non hai culpas:

-E María e Azu?

-Que pasa con elles?

-A ninguén lle pode doer o estómago tantas veces en tan pouco tempo, Aurora.

-Manda carallo, e eu pensando que disimulaba...

E rimos. E foi un riso deses que pesan pouco, que saen dos beixos e se elevan, sen lastre ningún que os amarre á terra.

(Ibid., pâx. 373)

... [O monitor] Sorrí todo o tempo. A min tamén me sorriu todo o tempo e non son tan guapa. Débenlle pagar por sorrir... O homesorrille á moza unha última vez...

-Mira, perdoa -el levanta a cabeza e sorrime...

Calo e sorrío de xeito tímido...

... Chegamos á máquina e comeza a explicarme cousas, pero eu só lle sei mirar o cu, os beizos, os ollos...

Fago o que me di en modo autómata e vexo como as súas mans rematan no meu talle. A respiración aceléraseme, pero en plan ben. Canto tempo había que non acontecía iso? En plan moito-máis-que-ben?

... E pon a man dereita sobre o meu estómago e eu coido que o ximnasio desaparece ao meu redor. Míroo á cara e creo que me poño vermella, cando iso non me pasaba xa desde non sei cando... Sorrólle. Creo que lle sorrío, vaia, áinda que estou demasiado ocupada apertando as pernas para que non se me caian as bragas.

... E sorré. Sorri-me, a min. Pordíós, onde van as bragas xa, nos nocellos!

(Ibid., pp. 382-385)



BIBLIOTECAS  
ESCOLARES  
DE GALICIA

# Sol de inverno

Rosa Aneiros  
Xerais, 2009

Fiz era, sábelo Inverno, o rapaz que che anubraba os ollos dende ben cativa. Cando aquela cereixa escorregou pola túa lingua entendiches que todas as carreiras, todas as olladas, todas as caricias ás agochadas de Roque e do mundo buscaban o instante dese bico. Ese minúsculo instante en que tatuar os beizos de Fiz nos teus... Fiz tiña os ollos océano e mudaban como o ceo. Grisallentos nos días de nubes, azul cristalino nos días de sol enrabechado. Del gustábache todo, mesmo o sorriso canfurneiro e pícaro que se lle puña cando se lle ocorría algunha trasnada... como querías a Fiz. Non era un querer como o de papá ou de mamá, nin sequera o da túa irmá Rebeca, era un querer que che daba calor e frío. Que che quitaba o sono e a fame. Era un querer sabor cereixa e salitre no rostro. Era Fiz.

E, nese xusto instante en que te bicaba, sentiches que aquel bombardeo do corazón se multiplicaba nas dúas caixas do peito. Coma se unha fose o eco da outra. A pel dunha cereixa quedoulle esgazada ao pé da boca e lambíchela con rapidez. Querían borrar todo aquel sangue doce do seu corpo e que aquel instante que durou segundos e foron horas, se perpetuase eternamente.

(Ibid., pp. 22-23)

**Mamá recuperara coa sopa quente e as mantas a ilusión de fuxir da traxedia. Ela pensaba que, pro fin, escapara da guerra sen saber que o destino non estaba escrito aínda con letras de paz. Para vós aínda non. Pero ela, ela daquela non o sabía. Por iso era feliz e repetía unha e outra vez os agradecementos a Santa Mariña.**

(Ibid., páx. 106)

**De Alés a Bordeus só lembras un paseo feliz sobre as travesas enferruxadas. A pesar de quen vos desalentaba con respecto a México - ese país inferior dicían-, a pesar de todos os que deixabades atrás, a pesar dos vosos billetes de indixentes no peto, a pesar de todo iso foi un paseo feliz. Fóra bulían campos, oliveiras, vides e casiñas brancas que xa nin sequera che chamaban a atención. Fóra bulía o mundo e ti, por fin, podías bulir canda el.**

(Ibid., páx 234)

# 25 anos de poesía galega (1975-2000) T

Marica Campo  
La voz de Galicia, 2002

Baixei ao teu amor e foi un pozo:  
escuridade moita e máis misterio,  
alxube de terror e cativerio,  
pero eu vinte de luz e tiven gozo.

Todo estaba de estrea, todo mozo,  
non sabía da dor nin do cauterio,  
oía só o son do teu salterio  
e brincábame o sangue co alborozo.

iCanta lúa afogada na soildade  
do teu rostro negado de cotío!  
Nunca souben quen eras en verdade.

iCanta noite perdida, canto frío,  
coidando ser feliz nesa cidade  
que fundaches por min no desvarío!

(Ibid., pp. 76)

*Antoloxia do relato galego  
actual.*  
Xerais, 2023

" " # Takeaway "

ESTHER F. CARRODEAGUAS

Estabamos en Berlín (que guai que ilusión!) por unha cousa de traballo. Era como ir por traballo pero sen traballar, porque tampouco se lle pode chamar traballar a ir de paseo e xuntarse con xente guai para falar de cousas guais (que ilusión!). Alugaramos unhas bicis para percorrer a cidade (que guai que ilusión!) e poder sacar cantas más fotos mellor... (que guai que ilusión!!!!)... Xa comeramos *wurst*, *bratwurst*, *knochwurst*, *weisswurst*... así que decidimos que podíamos xa esquecernos das salchichas e buscar algo más exótico (que ilusión!!)

(Ibid., pâx 91)

A fin, libre! Respiro mellor, moito mellor! Iso é: recompoñerei os meus anacos, xuntareinos todos nunha única bola de azougue máis grande, máis redonda, máis perfecta: serei un asteroide novo, un asteroide Amor.

Pensar en positivo. Sempre en positivo.

-Aaaah! Aaaah! Aaaah!

Nada que ver! Si, exhalar as angustias, botalas todas fóra para coller impulso, para desatarme, faime moito ben. Deixarme levar está a ser unha excelente decisión: a natureza é a mellor menciña para osixenar o corpo e a alma. A canción da auga ha de me servir non só para depurar os meus pulmóns magoados, senón de esconxuro para afastar o mal fado e purificar o meu espírito. Non hai mellor exorcismo contra o maligno ca respirar aire puro. Este murmurio da auga lávame ata os pensamentos e dáme tanta paz! Xa non sinto esa presión no peito, nin a dor na gorxa, xa non resollo. Seguirei o río a pé ata a mesma desembocadura, ata a praia. Santa liberdade!

-Aaaah!

Xa pasou todo. Aquí o aire está más limpo! Estou ben, moi ben...

A música da auga é o meu cadelo fiel... Resulta tan relaxante! Levo a palma da man dereita á parte esquerda do me tórax para auscultarme: o meu corazón latexa a ritmo acelerado, talmente coma se estivese a escoitar o himno do meu país dende o máis alto do podio. Imaxino unha medalla de ouro, pendurada do meu pescozo, a brillar coma unha estrela: primeiro posto no campionato de vercemos todas as intolerancias; e eu coa man no meu peito emocionado, sorri. Continúo o meu paseo entre os umeiros, os chopos, os salgueiros... A brisa converte as follas dun tileiro en corazóns danzaríns. Alongo o brazo para, nun xogo gozoso, arrincar unha delas, mais desisto de vez; non sei a razón, porén sinto que fixen ben. Estou a recuperar as boas vibracións do equilibrio emocional.

...sinto un saudable reconforto. Non sei o tempo que levo camiñando pero sei que este exercicio físico está a ser unha eficaz ferramenta que favorece o meu ánimo...

Aquí tamén se está ben. O murmurio do río apenas se percibe xa, mais a ondada de escuma e sal agrádame outrosí. Gústame o seu ruxido salvaxe. O meu espírito mantén a calma. Non me doe nada. Séntome no litoral da tarde, cara ao mar. Gústame miralo de fronte. Gústame mirar de fronte...

... Nunha pequena balsa pneumática, dous adolescentes xogan a ser periscopios. El e máis ela, de cando en vez, emerxen as súas cabezas desconfiadas observando cara á costa: non hai mouros... Non queren testemuñas que couten a emocionante exploración das súas recíprocas xeografías, as primeiras descubertas, o amor... Teñen dereito! Unha escena tan tenra! Ríome da súa candidez. Faime moito ben: rir ten uns efectos terapéuticos sorprendentes.

(Ibid., pp. 95-97)

# Ningún amante sabe conducir

Rosalía Fernández Rial  
POSITIVAS, 2014

... Era estaba desexando ir a un enterra, camiñar co ataúde, observar as balboretas que ueñen dicir adeus aos mortos. A marte non era un canto triste... A marte era como un día de feira...

... Os nenos e as nenas estaban desexando que marrese alguén porque regar polas defuntas era un divertimento extraordinario. No corazón de Maripepa naceulle unha emoción prateada, unha chispa de alegria...

"Estás contenta pola marte da túa avoa?" "... Eu estou leda..., como se a marte fose un prado branco. A neve tamén está chea de sentimentos cálidos"

(Ibid., pp.179-180)

# Ningún amante sabe conducir

Rosalía Fernández Rial  
POSITIVAS, 2014

## Curvas perigosas

Prendes,  
no contacto dos labios,  
un motor que arranca  
letargos corporais;  
quecendo  
as válvulas  
do meu chasis oxidado.

Aceleras  
linguas pneumáticas  
sobre a superficie  
desta epiderme nerviosa,  
descontrolada xa.  
Mentres esvaras  
ronseis con cuspe  
nos tombos de asfalto  
que marean a pel.

E eu,  
en éxtase,  
abro para ti  
cinco circuitos de curvas  
onde virar o sentido;  
mamila, ombro, ventre,  
cadeira,  
clítoris.

(Ibid., pâx. 29)

Fun por Corna e cheguei a Baldarís, lonxe, moi lonxe. Asubío de carballeira que acariñaba lentamente o lombo da terra. Pechei os ollos e durmín, cantei, entreguei cartas aos fieitos que falaban en voz baixa. Ilusionarse cada día. As experiencias saudables son ecosistemas de fantasía e liberdade.

Que camiñen as bóvedas do ceo no fondo mariño dos nosos correos postais.

Ser túa amiga.

Desaparecer cando ti aparecías  
nos eidos da lembranza.

Aparecer cando ti desaparecías  
en prados de vermelha música.

O sangue dos nosos pulmóns  
chouta ceibe entre os  
codesos do monte.

Na salvaxe emoción  
de estar vivos e electrocutados,  
en berces de prata que  
non empezan  
nun acaban nunca.

(Ibid., pp.: 20 e 113)

## Mar ao fondo

Soledad Pite Sanjurjo  
Follas Novas Edicións, 2015

Nesta hora precisa na que sinto  
a vida bailándose na pel,  
a ledicia xogando rebuldeira  
instalada na luz que viste o día,  
nesta hora precisa -digo-  
nesta hora, beberei o aire  
ata perderme nel, serei folla  
no salgueiro, flor na silveira,  
po da terra que pisan os meus pés,  
herba que revive o resío...

Nesta hora precisa  
en que me envolve o gozo,  
nesta hora precisa sei  
que a dor é a outra cara da moeda  
e caprichoso o seu xeito de caer.

(Ibid., pâx. 48)

# *Moda galega reloaded.*

Maria Reimóndez  
POSITIVAS, 2014

Poñer a felicidade  
na beleza estándar do corpo  
é apostar sempre  
a cabalo perdedor.  
Pois o tempo pasa  
e non se detén  
no seu único camiño  
cara á putrefacción.

(Ibid., pâx. 60)

# *En vías de extinción*

Maria Reimóndez  
POSITIVAS, 2014

Todo o mundo se laia da distancia que hai entre a cidade e o CUVI... A ela gústalle facer ese percorrido cada día no bus urbano... A ela gústalle a sensación descoñecida do bus urbano así que o vai coller a primeira parada... A universidade está "no monte", di a xente. Ela non pode evitar sorrir, de regreso ás orixes. Adora o lugar, mesmo nos días escuros do inverno...

... non pode evitar pensar que tivo sorte, moita sorte, porque está onde quere e cada chanzo no camiño, cada decisión tomada, parécelle boa e iso é xa moito pedir... Traballa porque lle gusta e daquelas todo se sente moi lixeiro... Sente que este é o seu lugar...

(Ibid., pp. 26-28)

Adela sorrí e mira para Mariña. A vida debería sen dúbida ser así, sinxela...

-Mais tu, ña filla, has herdar un mundo diferente no que poidas ser tu mesma.

E sorrí pensando na intriga de coñecerse, en saber como será esa persoa que hai xa días que non lle pertence pero pola aque loitará o que haxa que loitar.

Manuel xoga coa pequena, que bota unhas gargalladas garatuxeiras e logo mira a Adela.

-Se cho saben os teus pais inda han dicir que son eu o pai dela.

E Adela bota unha gargallada sen máis...

Cando o 20 de novembro morre Franco, malia a incerteza, ela e Manuel brindan con licor de herbas na casa de abajo e Adela percibe por fin algo de luz, luz inesperada pero luz que xa decidiu contemplar só dende ese lugar onde se atopa porque por unha vez na vida séntese no fogar, segura. E non vai deixar que ninguén llo arrebate, nin saír del para que llo transformen.

(Ibid., pp. 173-174)

-Unha persoa coma ti só pode sair dun lugar coma este -dille sorrindo.

Gaia sorri tamén e sente que ese é o maior cumprido que lle puideron facer na vida, séntese comprendida nunha dimensión que só puidera compartir coa súa mai e con algúns animais...

...Non está mal desexar ser feliz, a vida non ten por que ser tan dura, dixérase.

(Ibid., pp. 390-391)



## Dezaoito

Rosana Martínez Vilas (Rosanegra)  
Círculo Poético Aberto, 2011

Gústame sentirte dentro  
moi dentro...  
comer a túa carne  
morder a túa lúa  
lambela cando está  
en fase creciente, meu amante.

Gústame ás duras  
en posición erecta  
cando me penetras  
e achégaste ao meu sol  
gústasme e o sabes...  
e aproxímome, chámote  
dende a entrada...

Para posuirmonos e perdérmonos.

Gústame sentirte dentro.

Moi dentro.

(Ibid., pp. 173-174)

*A cidade sen roupa ao sol*

MArga do Val  
ESpiral Maior, 2010

***O riso***

***Coas súas mans  
fan as monxas encerradas peixiños de améndoа  
que as devolven ao río***

***Na súa horta aberta ao sol  
as súas túnicas abanan felices  
Exiliadas na cidade  
saben que contra o barolo  
é o sol un santo remedio***

***Coas súas mans  
fan as monxas encerradas peixiños de améndoа  
e ofrécenlle á cidade  
o seu riso.***

(Ibid., pâx 69)



DÍA DAS ESCRITORAS



BIBLIOTECAS  
ESCOLARES  
DE GALICIA

# Os mil e un días

Carmen Villar Alonso  
Xerais, 2023

31

queremos regresar  
ao paraíso

desfacer a entropía  
e converter  
o príncipe en ra  
cun simple bico  
queremos volver  
ao paraíso

devolver  
á árbore a mazá,  
devorar as miguiñas  
de pan,  
cambiar cada final  
mal escrito



33

non sabiamos  
que éramos felices  
nunca se sabe  
cando importa sabelo

é unha dasas cousas  
que só sabes como pasado:  
cando o que importa  
falta  
eramos felices:  
sobrábannos  
mar  
vento  
e estrelas

había dabondo  
para compartir

e a luz do sol  
pintábanos a cara



71

somos o creador  
e o creado,  
o pecador  
e o pecado,  
o dono  
e más o escravo  
somos abrente  
e solpor,  
pracer  
e dor,  
sabedoría  
e engano

78  
ser libre:  
decidir a obra,  
escoller o papel  
e elixir o escenario

aínda que o final  
non o escribamos

(Ibid., pp.: 71, 75, 151 e 165)



BIBLIOTECAS  
ESCOLARES  
DE GALICIA